



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателів, котрі не ввели ще пренумерату, просимо вирівняти якнайскорше рахунки.

Пренумерата в краю:
30 грошей місячно,
80 „ квартално
1-50 „ полрочно,
3 зл. рочно.

В Америкі: 1 дол. рочно.

В Чехословаччині:
2 кор. місячно, 10 кор. полрочно,
20 кор. рочно.

Ціни оголошень:
Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл.,
 $\frac{1}{8}$ стор. 20 зл., $\frac{1}{16}$ стор. 10 зл.;
оголошення малі за 1 мм. 20 гр.,
в тексті 30 гр., перед текстом
40 гр. При місячному і довшому
оголошенню значна знижка.

Контото чекове № 404.155.

Час подумати о літниках.

Скоро лем сонце лучше пригріє, почнут уж жителі міст думати о виїзді на літний оддых, глядаючи красних и здоровых закутин в краю.

Одном с таких прекрасно положеных, здоровых и залісєных закутин єст наша дорога Лемковщина. Має она кромі зна-ных кураційных заведєнь, як Крыница, Жєгєстов, Ивонич, Рыманов, Высова, Вапенне и другы, также много прекрасно положєных сєл с переплываючими ріками до купаня и пахучим чатинным лісом, котры надают ся чудно на місце оддыха для широких рядов урядничих, глядаючих милого и недорогого оддыха.

Тєпер часы перемінили ся и мішухы могут собі позволить перезажно лем на виїзд до дешевых меньше знаных місцевостей. Для розвита наших лемковских сєл має тото велике значєнє, бо приїзд літников принєсє все кус гроша и стає ся часто заохотом до украшеня наших хат и лучшей организации нашего житя.

Алє штобы можна с турыстыкы и приїзда літников до наших гор мати гдєякы стали доходы, треба доконче здати собі справу с того, чого потребує літник, який приїжджат в літє на село. Он глядат передовсем сонца, свіжого воздуха, місцевости миловидной, положєной недалеко ліса и спокою.

Люды, котры цілый рок працюють умственно и діти в віку школьном, мусят мати отвітны условия літного оддыха, — в ночи безвзглядну тишину, ничим неперывавану, а в день моц свободы и руху. Правда — на сєлі о свободу и рух нетрудно, алє зато планьше єст с тишином в ночи. В ночи при не совсем чистом помешканю не дают спати блохы и мухы, а крикы дітей, брєханє собак и шум на дворі от вчасного рана непокоят літников. А треба памятати, жє трыб житя на сєлі и в місті єст совсем другый. Люды в місті сідят долше вече-

рами, кладут ся позднійше спати, спят долше и встають позднійше.

Тож хотячи мати літников, газдыня мусит постаратися о тото, штобы єй хата выглядала чисто, а также подумати о том, штобы уж тєпер на весну засіяти и засадити потрібны для літников ярины и квіты, поставити перед домом лавочку и завєсти в обыстю чистоту. Важне єст также приготєвленє отдільной для літников кухні, котру можна побудовати аж и в сінях.

Разом с наплывом літников поднєсє ся добробыт в забитых досками сєлах, увеличит ся рух, змінит ся сам выгляд сєла. Ясно побілєны хаты, прикриты зелєном дерев, оживлєны барвными квітками будут притігати літников до гляданя в них оддыха, бо именно ту — подумают они — єст якєси так мило, ясно и чисто и цілє село здає ся, сміє ся и ждє их приїзда.

Господарча нарада Лемковских кооперативов в Сяноці.

Тяжкы условия має руска кооперация на Лемковщині. Политычны и религийны роздоры не лем розбивают наше национальнє житє, алє утрудняют каждую общественну роботу, а тым самым и на полю кооперативным. Кромі того много ище инших трудностей згромадило ся доокола лемковской кооперации, што гамуют єй розмах а в ряды кооперативных работников вносят пригноблєнє и убивают духа, так потребного в борбі о вызволенє лемковского сєла с нужды и вызыска.

Штобы скріпити свои силы и придумати лучши способы розбудовы господарчого житя скликал Рус. Кооп. Союз в Сяноці на день 29. марта 1936. до Сянока велику

Господарчу Наряду, на котру запрошено представителей всіх руских кооперативов на Лемковщині.

Нарада отбыла ся в салі Руского Народного Дома. Присутствовало понад 60. делегатов с ріжных сторон Лемковщины. Явил ся также запрошеный представитель Округ. Тов. Рольн. в Сяноці инж. Тадей Костюшко в характері гостя.

Собранє открыл сов. Мануил Мокрыцкий короткою промовою, призываючи делегатов до всесторонного обговорєня пєкучих справ с господарчєю областью. На єго предложєнє выбрано презыдию на час нарады в слідуєючєм составі: Предсід. Д-р Перелом Осип, містопредс. Шулик Петро с Яблоницы, секретар Андрей Иванисик с Лукового.

Рєв. Николай Когут в старанно приготєваном докладі, послугуючи ся докладною статыстыкою, представил историю розвита русской кооперации на Лемковщині и єй тепєрешного положєня. Докладчик указал також на трудности, с якими в терєні мусит боротися лемковска кооперация. Руска интеллигенция в містах єст загально пасивна, а на сєлах знова отчуват ся брак интеллигенции и своих священников и учителей, котры могли бы заняты ся организацией кооперативов. Всюди дає ся чути брак руково-дячого органа и сильной кредитовой инстытуции, о котру могла бы оперти ся лемковска кооперация. Мало єст також фаховых сил до ведєня кооперативов, а сами кооперативы не все придерживуют ся кооперативных засад, а специально споживчи не выдають члєнам товаровых зворотов. В виду отобрания РСРК. права организовати молочарскы кооперативы под своим патронатом, активна участь в организации тых кооперативов со стороны лемковской кооперации залежит от сполнєня наших конечных жадань господарчого и националь-ного характера.

Дальше докладчик представил тепєрешну користну конъюнктуру для розвита молочарской кооперации и указал на велику вагу приготєвляного закона о молочарстві, котрый начне обовязовати уж в найблиз-

ших днях. Проект закона докладчик объяснил всесторонно.

Делегаты выслушали доклад с великим заинтересованьем, нагороджаючи докладчика бурными рукоплесканиями. Докладчик не старался скрывать тех всіх конфликтов, розтражнень и незадоволенъ, які нуртуют в кругах нашей кооперации, гамують ей розмах и убивают духа в ей роботниках.

В дискуссии над докладом занимали голос многы делегаты. Сейчас на вступі забрал голос представитель О.Т.Р. инж. Т. Костюшко. Указуючи на великы користи для рольника с молочарства, надмінил, што успіх в той галузи господарчой залежит от отвітной перебудовы цілого рольничого господарства на терені Лемковщины. Призвал до сотрудничества кооперативов с Окружными Товариществами, што позволит скорше осягнути поднесенє рольництва.

Дыр. Степан Барна с Вороблика Кор. уважає, што при форсованю кооперативов молочарских не належит забывати о кооперативах споживчих, бо власне молочны увеличают выміну рольничих продуктов, а тым самым причиняют ся до побольшеня консумции. Ест за тым, штобы чим скорше приступити до сорганизования центрального кредитового кооператива, бо розбудова господарчого жита без такой инсти-туции не ест до подуманя.

Осип Енкала учитель с Вороблика Шлях. заявляє ся за резбудовою молочарской кооперации и указує на ей достыжения на терені обох Воробликов. Користи с молочарства для рольника сут великы, однак належит памятати, што интензивно форсоване

молочарство, наставлене выключно на зыск, може мати злы наслідства для здоровья сельского населения, отбираючи ему так важный для прокормления дітей споживчий артыкул.

Михаил Мархут делегат кооператива с Мисцовы указує на надмірне обтяженє рускых кооперативов на річ РСРК., што гонит руску кооперацию в чужий табор, выкликує загальне незадоволенє и цілу идею кооперации робит непопулярною.

По замкненю дискуссии над всіми порушеними в докладі ділами приступлено до выбора Лемковского Господарчого Комитета, до котрого выбрано слідуючих обществен-ных деятелей на терені Лемковщины: Барну Стефана управ. школы с Вороблика Корол., Бобака Павла, селянина с Беска, Бубняка Осипа, управ. кооп. с Загоря, Д-ра Гнаты-шака Ореста, адвоката с Криницы, Д-ра Гукевича Осипа, проф. гимн. с Сянока, Енкалу Осипа, учителя с Вороблика шлях., Звірика Владимира, селянина с Костаровец, Иванисика Андрея, селянина с Лукового, Когута Николая, коопер. рев. с Леска, Д-ра Мадею Андрея, адвок. с Сянока, Д-ра Перелома Осипа, адвоката с Сянока, Д-ра Сьокало Ярослава, адвоката с Горлиц, Д-ра Шатынского Евгения, адвоката с Сянока.

На внесенє Мазура Вол. поручено Д-ру Перелому Осипу председателю собрания созвать чим скорше засіданє комитета, для его уконстантуования ся и обговореня важ-нейших справ.

Принято одноголосно слідуючи резолю-ции, будучи вираженєм пожелань организа-цийных потреб лемковской кооперации:

Собраны на „Господарчой Нараді“ в Сяноці дня 29. марта 1936. представители рус-ских кооперативов Лемковщины:

1. Призывают всі лемковскы села, в кот-рых нїт ище кооперативов, приступити чим скорше до их заснованя, або открыти у себе филию одного с нейблизших діствующих рускых кооперативов. Организовати в тых місцевостях кооперативны комитеты, котры займут ся приєднованєм членов.

2. Діствующих кооперативы взымає ся до придержания ся кооперативных зазавд, а особенно признаваня членам товарных зворотов и торгованя лише за готовы гроши.

3. Всю руску интеллигенцию призывает ся принимати живу участь в организова-но кооперативов,

4. Выбраному Лемковскому Господарскому Комитету поручает ся руководити господа-рым житем на цілой Лемковщині: а в осо-бенности организовати кооперативы, давати им фаховы указаня, приступити до основаня большого кредитового кооператива.

5. Призывает ся руске общество Сянока до основаня русской бursы в Сяноці для уча-чой ся молодежи.

6. В виду того, што часть лемковских кооперативов на терені Краковского Во-еводства и молочарскы кооперативы пе-решли под Союз Кооперативов Рольничих и Зароб. Господ. Р. П. в Варшаві, делегаты домагают ся, штобы для обслуживания тых кооперативов, был принятый на службу в том Союзі бодай оден русский ревизор, лемко.

7. Домагают ся от РСРК. сорганизования в текучом році на Лемковщині кооператив-ных курсов.

Мысли о прошлом и теперешном.

(Докончєне)

Церков восточна, до котрой и мы належиме, от цілых столітий культивує свій окремый живописный стиль, основанный на началах восточного искусства. Стиль тот загально зовут византийским.

Всі западны церкви (римо-католика, протестантска, англи-канска и ин.) плекают и придержуют ся основ стиля романского.

Однак основом и загальном чертом всіх церковно—живо-писных направлень ест то, што до живописи употреблят ся вы-ключно старинных полуднево—восточных костюмов и декораций.

Бо трудно иначе и подумати. Задача и ціль живо-писи ест тот, штобы дану особу, данный важный момент пред-ставить возможно вірно в тых условиях, в яких дана личность жила, в яких событе происходило.

Тяжко вообразити собі маляра—артыста поважно думаю-чого, штобы римского Юлия Цезаря намальовал во фраку и ци-линдрі, штобы намальовал Нерона в современных спортивных порченятах, або Гитлера в скоряной одежи старогарменского пастыра. Кто бы таке зробил, то намальовл бы лем карыкатуру (осмішенє) даной личности.

А преця „украинский самостійний напрям“ наложил свою руку в церковной области и на старый византийский живо-писный стиль.

Встрічаєм в церквах иконы Ісуса Христа мальованого в народном строю в вышиваной кошелі, икону Матери Божой на подобіє украинской „жінки“ в украинском национальном костюмі.

Перейдите вы панове украинскы маляры—артысты и вы украинскы владыкы цілу Европу vzdолж и попереk и укажете нам хоц одну церков, хоц оден костел, где бы Христа Спасителя, Матер Божу и прочих святых мальовано ци то в мазурских сукманах, ци в гуральских гуньках, ци в тырольских куртых споднях и куртых кабатах!

Чом така глупа фантазия навет некультурным альбанцам не пришла до головы, лем вам панове украинцы?

Отвіт на то лем одєн. Вы хочете быти оригинальны, хочете чимси отріжнити ся от прочого руского світа, штобы по-казати, што вы окрема самостоятельна нация и в том телячом

розгоні добігате все до глупоты и абсурда.

Мало того, малюют по церквах портреты світских жи-вучих ище своих деятелей и сцены представляючи поодыноky события с теперешных дней, а все то на тлі национального украинского шовинизма, все с ярком закраском национального сеператизма. И в том взгляді попадають сами с собой в супе-речность и доходят до абсурда. Бо приміром интензивно про-пагуют культ святого Йосафата Кунцевича, котрый был канони-зованный яко мученик за унию и был непримиримым врагом православия, а одночасно и коло него малюют портреты различных православных, як Петлюров, Грушевских Тютюников и ин., служат акафисты святому Йосафату, а одночасно правлят панахиды по Мазепі и Грушевском, вышмаряют насилиу с богослужень слова о вірі православной, а публично молят ся за православных украинцев.

А все то має на ціли лем политичну пропаганду, лем поширенє в широких масах духа ненависти до всего, што неукраинске, бо в действительности спасенє души Мазепы або Грушевского всім тым чорноризым агитаторам так лежит на сердци як псу пята нога.

Не диво аджек, што паства, котра дотепер вірила и дер-жала ся церкви, видячи, што церков стала ся пропагаторком национального шовинизма, видячи, што божественны и моральны основания ей науки уступили місце демагогичным и низким инстыктам политичной пропаганды, почала до церкви и віры относити ся обоятно, а счасом от церкви отпала.

Не дивно, што тоты, котры ище не отпали и не затратили своей прадідной национальной назвы, не могут стерпіти, штобы церков, котра должна быти безнациональном, украинизовала ся на их очах и што в церквах на церковных торжествах доходит до авантур и кровопролитя, як то мало місце в Журавні, Дубрав-ці, Ляховичах и т. д.

Дорога, котром иде униятска церков восточной Галичины холзка и небезпечна, а судьба ей уже рішена.

Раз на все стратила она надію и возможность на историчну ролю, яку ей предназначил Рим при соединеню церковей и не лем не доросла до ролі носительницы идеи соединеня, але сама не в силі удержати при собі той паствы, котру ей перека-зала минувшость.

Лемко.

8. Домагають ся от РСРК. обниження членських вкладов и всяких тягаров поношених союзными кооперативами на річ Союза и достосования их до оборотов.

9. Призиває ся ціле населенє Лемковщини прийняти активну участь в організації кооперативного молочарства на Лемковщині.

10. Просит ся Високе Правительство о признанє видатнійшого кредита с державных фондов на розбудову лемковской кооперации.

Нарада тягнула ся от 11. години до год.

ВАРА ВАМ ОТ ЛЕМКОВСКОЙ АПОСТОЛЬСКОЙ АДМИНИСТРАЦИИ.

Передвчасна и несподівана смерть бл. п. о. Д-ра Вас. Масцюха Апостольского Администратора Лемковщины дала нагоду украинским опекунам, живучим так на Лемковщині як и поза Лемковщином знова подумати и заговорити о той бідной Лемковщині, на котру они от так давна наостріли свои шпоны.

Уже на психоронах Апостольского Администратора гдеякы „вітці духовні“ потихы шептали оден другому на ухо, што хоронят не лем Апостольского Администратора, але и Апостольску Администратуру и што Лемковщина буде прилучена обратно до Перемышля.

И ище не успіла улежати ся свіжа земля на могилі першого лемковского Владыки, а уже цілий штаб украинских парламентарных и позапарламентарных цивильных и духовных діятелей и всі украинскы газеты „єдиныма усты и єдиным сердцем“ закричали: „конец лемковской Апостольской Администрации!“

А головный орган „лоялизующих“ тепер украинских діятелей, львовске „Діло“ аргументує навет, чом має быти знесена Апостольска Адміністратура.

Аргументы „Діла“ такы: устала причина політична, бо в межечасі наступила польско—украинска „згода“, а причина и надія религийна оказала ся нереальна, бо померший Апостольский Администратор протягом цілого року не услів навернути ни одного сельца из православия в унию.

Так знайте панове украинскы ундовцы, што ни одна с тых причин не устала и не отпала.

Бо факт, што гдеякы украинскы борителі, котры до послідного часу подсували бомбы украинским террорыстам и мечтали золоты сны о свяченых, гайдамацких ножах и котры переоначили ся в послідных місяцах из волков в овцы и почали удавати лояльных граждан, не єст ище доказательством, што змінила ся и волча натура тых борителей. И польский общественный загал и державны чинники знают, кто вас панове украинскы ундовцы родил, кто и як вас виховал и знают вашу никчемну дволичну натуру и не так скоро повірят вам, як вам ся здає.

А зрештом што таке змінило ся?

Несчастьем Лемковщины было и єст того, што до национального самопочутя лемка хотіли вы добрати ся под фирмом церкви и што не могучи трафити до него со своими идеями прямо во формі політичной пропаганды вы хотіли их перешварцувати во формі акции религийной.

Церков уніятску на Лемковщині зробили вы авангардом політичной пропаганды.

3. по обіді. Предсідатель закрываючи собрание высказал благодарность представителю О.Т.Р. за єго цінны рады, а всім делегатам за их численне прибытє на нараду.

Належит сподівати ся, што покликаний до житя Господарчий Комитет не обмане покладаних в нем надій, што приступит сейчас до діяльности, в чом желаємо єму як наилучших успіхов.

Участник.

Двадцат літ робили вы, выслугуючи ся украинськими священниками всьо можливе, штобы на силу сукраинизовати душу лемка и злоупотребляючи церковном амвоном и проповідальницею на способ тых гандлярей, котры торговали в єрусалимской святыні, вы сплюгавили в очах лемка идею униї, вы отогнали єго от церковной єдности и защемили-сте бакцыль „религийной борбы“.

А преця всі тоты, котры тото започатковали, тым руководили и тото на місцах виконали, на жаль дотепер сут там, где были.

Так што-ж ся змінило?

Ци тото, што пару політичных камеліонов из унда доби́ли ся сеймовых и сенаторских мандатов, змінило цілий трагізм, положеня Лемковщины?

Ани на оден волос.

И вы никчемны фарисеи зашмарюєте, што бл. п. Апост. Администратор не навернул ни одного села из православия?

Ци-ж мог он направити протягом року тото, што вы тут насвинили протягом літ двадцетох?

А ци вы мыслите, што лемкы то так як ундовскы украинскы проводыры, потрафят міняти тактыку, переконаня и віру протягом одной ночи?

Двадцет літ отжерали вы лемка от церковной єдности, закля успіли-сте єго от церкви отогнати, а от другого вымагате, штобы доказал чудеса протягом року и навернул народ до єдности.

А ци мог бл. п. Апост. Администратор спокойно взяти ся за мисийный труд, наколи само духовенство вело против него подпольну борбу и перед народом понижало єго авторитет. Але одеп успіх и то велький мусит каждый (натурально кромі „Діла“ и украинских проводыров) признати, а именно тот, што протягом того року ни оден лемко не отступил от церковной єдности.

А того за оден рок старчит и тото єст доказательством, што успокоєнє Лемковщины може наступити лем тогда, коли Лемковщина раз навсе освободит ся от зависимости от украинской церковной єрархии.

О тото она боролась літ десят, тото собі слушно выборола, а вам панове ундовскы проводыры вара от того!

Слава Ісую Христу!

Дорогіи Лемки!

Дня 12. марта сего года почил в Бозѣ першій Апостольскій Администратор Лемковщины бл. п. О. Д-р Василій Масцюх.

Апостольскій Престол назначил мене провизорично управителем Лемковской Церковной Области.

Єсть то доказательством, що Апостольская Администрація Лемковщины не будет сликвидована, а ходящій о том слухи, розпространяємыє врагами нашої Святой Церкви и врагами наших руских Лемков, лишены всяких оснований.

Наоборот! Церковная власть и Польское Правительство содѣйствовали своего часу при покликанью до жизни Апостольской Администрации Лемковщины в той цѣли, щоби внутренними роздорами терзанную Лемковскую Русь соединити и сдѣлати из всѣх Лемков добрых сынов нашої святой Церкви, Народа и Державы.

Для цѣлковитого осягнення той великой цѣли мусит дѣятельность Апостольской Администрации Лемковщины продолжатися и дальше.

В дуже тяжких условиях беру в свои слабы руки временный жезл правления!

В той тяжкой працѣ, котору мушу виконати аж до назначенія нового Апостольского Администратора Лемковщины, потребую Вашей помощи—рускій Лемки!

До Ваших сердец и Вашей совѣсти отликуюсь нынѣ и зову: „Да будет единое стадо и один пастир!“ Нехай счезнут всѣ разницѣ, котори роздѣляют и роздирают нашу бѣдную но гордую Лемковскую Русь! Соединяйтесь всѣ, як один муж, под прапором Апостольской Администрации. Всѣ мы, чи греко-католик чи нѣт—всѣ Лемки, нехай зрозумѣют и почувствуют, що нам всѣм треба згоды, дружной працѣ и одного духа во благо нашої Святой Церкви, нашої Державы, нашего Народа и нашої дорогой нам всѣм Лемковской Земли!

Без Вашего дозвѣрія—дорогіи Лемки—моя праця будет безуспѣшна! Приходѣт отже до мене с полным дозвѣріем, а я постараюсь в мѣру моих сил зробити для Вас все.

Молю Всевышняго, щобы дал менѣ потребныя силы! Щобы отдаючи Администрацію новому Апостольскому Администратору мог я Ему сказати:

Отдаю в Твои руки „единое стадо“.

о. Іоан Полянскій
Провиз. управитель Апост.
Админ. Лемк.

Рыманов Здрой, в мартѣ 1936.



В среду, дня 15 квітня т. р. умер в Верховлі Великой пов. ново-сандецкого наш патриот

Михаил Русиняк.

Покойный принимал живу участь в народной жизни и за свои стойкы переконаня ділил с другыма муки Талергофа, где так, як и на родині, здобыл собі щиры симпатии єстрадальцов своим веселым нравом и доброжелательным сердцем.

Судьба не щадила Покойному крестов, бо в часі єго заточеня, на основі ложных доносов, повішено в Верховлі Великой 7-ох найповажнійших господарей, в том числі также єго Отца.

По повероті с тюрмы бл. п. Михаил Русиняк западає часто на здоровлю. Помимо того принимал участь во всѣх собраниях и народном житю и жил мыслями и надіями, же єго и других труд создадут лучшу долю нашему Народови. Умер тихый и ревный труженник на народной ниві, але народ захват єго в долгой и доброй памяти.

В. Є. П.

Што чути в світі.

С Асмари доносять, же италянський маршал Бадогліо в перший день Великодних свят оголосил знесенє невольництва на території зайнятої італіянами. На тих просторах роздано перешло 500 нових плугів абисинським селянам.

Італянські війська заняли уж місто Дессіє и дошли до озера Тана, откаль выплыват ріка Ниль.

Льондон: Англицке правительство заявило, же предприме против Италии санкции карны военной натуры, штобы тым способом ратовати авторытет Лиги Народов. В том случаю война може перенести ся легко до Европы.

Москва: Тогорочны Великодны Свята зазначили ся в Совітской Росии великим напливом людей до церквей. В Москві в Страстну Суботу творили ся великы ряды вірных, котры ждали на открытє церквей. В 36-ох церквах, в котрых служит ся и тепер богослуженє, было набито. Тысячи людей, не могучи достати ся до середины, стояли перед церквами на площах и улицах, беручи манифестацийну участь в воскресном богослуженю.

Шанхай: Кытай оголосил протест против пактови взаимной помощи медже Росиом и Внїшном Монголиом, котрый нарушат договор Кытайско—Совітский, в котром Монголию признано яко часть территории кытайской.

Трентон: (Сп. Д.) Дня 4. квітня страчено на електричном креслі Гавптмана, оскарженого о убийства сына летчика Линдберга.

Парыж: В часі свят навиділ Францию мороз. Температура упала до 3-ох градусов низше нуля. Грады и сніг вырядили великы шкоды в овочевых садах.

Німеччина вооружат ся. Німецькы фабрыкы оружия и амуниции робят тепер день и ноч без перервы по 24 годин на добу. Фабрыкы сут в руху также в неділі и свята.

Відень: Ведля послїдних донесень с Абисинии Аддис—Абеба єст поважно загрожена. Негус має в своєй распорядимости всього 5½ тысяча вояков, котры мають боронити столицу Абисинии. Негус донес Англии, же положенє Абисинии єст безвыходне.

Рим: Італянскы войська по опанованю Дессіє находят ся в отдаленю 250 км. от Аддис-Абебы. Добры дороги позволяют на скору офензиву, в виду чого вкоченє до Аддис-Абебы єст квестиом килькох дней.

Рим: Ведля статыстыкы война с Абисиниом коштowała Италию по конец марта 7 миллиардов лиров т. є. около 3 миллиарды злотых.

Москва: Газета „Правда“ описує незвычайну параду в Києві. Змобилизовано там 62 тысячи работников и работниц. Армию тоту поділено на 60 полков, котры перемашеровали перед представителями со-

вітських властей в колюмнах по 8 людей в ряді. Всі были в противгазных масках. Манифестацию тоту организовао для показаня воєнной силы Росии.

С Відня доносят сензацийну вість, же медже Франциом, Малом Ентентом и Росиом заключено воздушный договор.

Атены: Греческий премьер Демеризис помер нагло от апоплектического атак.

Пекин: С кытайских жерел доносят, же 6 округов провинции Шанси было занятых коммунистическими войсками. Инших 14 округов коммунистичны войська заняли частично. Велике число населеня єст скомунизовано. Борбы помеже червеными и правительственными войсками тривают.

Турин: (Италия) Пассажирский самолет, котрый курсує на штрєці Медіолян—Турин упал с причины гмпы и розбил ся. 7-ох подорожуючих убило ся на місци.

Нью-Йорк: На свята Великодны выїхал до знакомых знаный богач американский Рокефелер. В часі єго отсутствия заїхали перед єго дворец 3 великы мебелины возы и в білий день (Страстну Суботу) почали люды выносити с дворца цінны части умебьования и образы. Служба Рокефелера помагала им, в виду чого никто не перешкаждал им в роботі. По повороті застал Рокефелер дом порожный, а втрату обчисляют на полтора милиона долларов. Служба также счезла разом с гангстерами. Рокефелер дал оголошеня и назначил гангстерам високу нагороду за зворот зрабованых річей.

Відень: Бывший король испанский Альфонс VIII. мешкаючи в Відні в готелю „Империяль“ всїл до винды, штобы выїхати на перший поверх. Винда попустила ся, станула медже поверхами и аж по полтора годинной направі потрапили ю стягнути назад на долину. Король, котрый в так незвычайный способ нашол ся в аресті, вышол с винды блідый, близкий утраты притомности с причины недостатка свіжого воздуха.

Вісти с краю.

Варшава: Дня 27. квітня входят в жите приписы, котры заказуют женщинам заниматься ся продажом алкоголевых напитков там, где консумує ся их на місци.

Варшава: В Министерстві Комуникации идут работы над ревизией железнодорожной особой тарыфы. Тарыфа тота має быти от 1. червня обнижена о 25%.

Сосновец: Дня 4. квітня Окружный Суд выдал засуд в ділі Гржешольского, оскарженого о отрує своих двоє дітей и засудил єго на кару смерти, котру с причины амнистии замінено на пожизненну вязницу с позбавленєм гражданских прав до смерти. Адвокат Гржешольского внес против тому засудови апеляцию до Краєвого Суда в Варшаві.

Львов: Дня 14. квітня дошло во Львові до розрухов безработных, котры по заявленю им, же Фонд Труда не може наразі дати роботу большому числу безработных, хотіли вдерти ся до магистрата. Коли там их не впушено, безработны удали ся на Академичку Площу и заатаковали полицию. Один полициянт, ділаючи во власной обороні, стрілил в толпу, отдаючи 5 стрілов в воздух, а послідный в сторону атакующих. От той стрілы были ранены дві особы, а с тых один, В. Козак умер в шпиталі. Дня 16. квітня в часі похорона Вл. Козака пришло до новых розрухов. Похорон мал ити на Лычаковске кладбище, але в послідном моменті перешол демонстративно через ціле місто в сторону кладбища Яновского.

В часі похоронного похода часть участников почала бити шибы и рабовати skleпы. В килькох случаях заатаковано полицию, обсыпуючи ю револьверовыми стрілами и каменями. Полиция ужила оружие и убила троє людей. Раненых єст килькадесят людей. Сут также ранены полициянты.

Прокуратор веде энергичны доходження и арестовала 14-єро люда.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасекурує ся
в асекураційном Товаристві
ВИТА И КРАКОВСКЕ
во ЛЬВОВІ

Асекурацию принимают на цілой Лемковщині
представителі: гг. Осиф Яновицкий — Крыница-Село и Михаил Перелом — Сянок.